

**122** launa þeirra, er greiðast til emeritprestanna í Kálfhólts prestakalli og Sauðlauksdals prestakalli af tekjum nefndra brauða, vil jeg í framhaldi af brjefi mínu, dagsettu 31. f. m., hjermeð samþykkja, að af þeirri 300 kr. uppbót, sem ætluð hafði verið Desjarmýri af því fje, sem talið er í fjárlaganna 13. gr. A b. 2 fyrir 1884 tilfalli Kálfhólts prestakalli 100 kr. og Sauðlauksdals prestakalli 50 kr., og skal jeg jafnframt geta þess, að jeg ekki hefi sjeð mjer fært að veita Sauðlauksdals prestakalli fyrir eitt ár hærri uppbót alls en 250 kr., að þeim 200 kr. meðtöldum, sem veittar voru með brjefi mínu 10. marzmán. p. á., því þarsem eptirlaunabyrði sú, er nú sem stendur hvílir á branði þessu eptir skýrslu yðar aðeins nemur 249 kr. 14 a., þá hefir brauð þetta með hinni veittu upphæð fengið fulla uppbót fyrir það sem frá því gengur til emeritprestisins, og með því brauðinu engin uppbót er ákveðin hvorki í lögum um skipun prestakalla 27. febr. 1880 nje í síðari lögum, má þannig álíta, að hlutadeigandi prestur hafi fyrir uppbótina þær tekjur óskertar, sem í hinum gildandi lögum er ætlast til að embætti hans fylgi.

**123** Brjef landshöfðingja til amtmannsins yfir norður- og austuramtinu um gildi prófs í yfirsetufræði. — Í þóknanlegu brjefi, dags. 18. sept. p. á., hafði þjer, herra amtmaður, skýrt frá því, að sýslumaðurinn í Skagafjarðarsýslu hafi farið þess á leit, að stúlkan Margrjet Grímsdóttir yrði af amtinu skipuð yfirsetukona í 1. yfirsetukvennaum-dæmi Skagafjarðarsýslu, en með tilliti til þess að yfirsetukona þessi hafi að nokkru leyti notið kennslu hjá hjeraðslækninum í 10. læknishjæði, Helga Guðmundssyni, sem eigi er í tölu þeirra lækna, sem með yfirsetukvennalögum 17. desember 1875 eru löggiltir til að *kenna* yfirsetukonum og prófa þær, hafði þjer beiðst leiðbeiningar minnar um það, hvort amtið megi skipa nefnda stúlku sem yfirsetukonu og hvort hún geti átt von á að fá allan kennslukostnaðinn endurgoldinn úr landssjóði.

Útaf þessu skal yður, herra amtmaður, hjermeð til vitundar gefið, til þóknanlegrar leiðbeiningar, að með því það sjest af ofanefndu brjefi yðar, að auk galla þess, sem þjer hafði bent á að verið hafi á *kennslu* fyrnefndrar yfirsetukonu, hefur hún parað-auki verið prófuð af læknaskólakandidat Þorgrími Þórðarsyni, sem hjeraðslæknirinn í 11. læknishjæði fjekk í sumar til að gegna embætti sínu í fjarveru sinni erlendis, en sem ekki hafði enn fullnægt skilyrðum þeim sem sett eru fyrir því að geta orðið hjer-aðslæknir á Íslandi, einkanlega því að hafa gengið á fæðingarstofnunina í Kaupmanna-höfn, þá get jeg ekki álitid, að stúlka sú, sem hjer ræðir um, hafi eptir kennslu þá, er hún hefur notið, og með prófi því, sem hún hefur tekið hjá nefndum læknaskólakandi-dat, náð þeim hæfilegleika, sem útheimtist til að geta orðið skipuð yfirsetukona á Íslandi, einsog líka kostnaðurinn til slíkrar kennslu og prófs eigi getur orðið endurgoldinn úr landssjóði.

**124** Brjef landshöfðingja til amtmannsins yfir norður- og austuramtinu um bann gegn veitingasölu áfengra drykkja á sunnu- og helgidögum. — Í þóknanlegu brjefi, dags. 13. sept. p. á., hafði þjer, herra amtmaður, skýrt mjer frá því, að lögreglustjórnarnir í amti yðar hafi haft ýmsan skilning á opnu brjefi 26. sept. 1860, viðvíkjandi breyting á til-skipun 28. marz 1855 um sunnu- og helgidagahald á Íslandi, sjerstaklega að því er snertir

það atriði, hvort þetta opna brjef banni gestgjöfum að veita áfenga drykki, þarmæð talið 124 bayerskt öl, einnig eptir miðaptan á sunnu-og helgidögum, og hafið þjer þessvegna beiðst 12. nóv. leiðbeiningar minnar í þessu efni.

Fyrir því skal yður hjermeð til vitundar gefið, til þóknanlegrar leiðbeiningar, að þarsem ofanefnt opið brjef skipar svo fyrir, að þau störf skemmtanir og önnur fyrir- tæki, sem eptir tilskipun 28. marz 1855 eru eigi leyfileg á sunnu-og helgidögum fyrri en eptir miðaptan, megi hjereptir eigi heldur fram fara hinn tímann, sem eptir er til kvölds á þessum dögum, þá er auðsjáanlega með þessu, sjá einkum orðin «og önnur fyrirtæki», átt við allar þær athafnir, sem bannaðar eru í tilsk. 28. marz 1855 á sunnu- og helgidögum til miðaptans, þarámedal einnig þær, sem 4. gr. tilskipunarinnar ræðir um, og er því gestgjöfum og öðrum veitingamönnum óleyfilegt að veita mönnum áfenga drykki eða leyfa spil í húsum sínum á hvaða tíma dags sem er nefnda daga.

### S a m þ y k k t

fyrir Ísafjarðarsýslu og Ísafjarðarkaupstað um fiskiveiðar á opnum skipum.

125

15. nóv.

Sýslunefndin í Ísafjarðarsýslu hefur með lögákveðinni hlutdeild af hálfu bæjar- stjórnarinnar í Ísafjarðarkaupstað samkvæmt lögum 14. des. 1877 um ýmisleg atriði, er snerta fiskiveiðar á opnum skipum, gjört eptirfylgjandi

#### «Samþykkt

fyrir Ísafjarðarsýslu og Ísafjarðarkaupstað um fiskiveiðar á opnum skipum.

#### 1. grein.

Enginn seim stundar fiskiveiðar á opnum skipum frá Ísafjarðarsýslu og Ísafjarð- arkaupstað, má eiga lóðir í sjó frá kl. 9 á kvöldi til kl. 3 um nætur á tímabilinu frá 1. desember til 1. apríl.

#### 2. grein.

Enginn má slægja eða afhöfða nokkra fiskitegund á sjó úti á tímabilinu frá 1. október til 1. apríl.

#### 3. grein.

Á tímabilinu, sem um er rætt í 1. grein, má enginn byrja sjóferð til fiskiveiða með lóðum fyrir kl. 3 að morgni; þó nær þessu ákvörðun ekki til þeirra, er hafa upp- sátur fyrir norðan Rit.

#### 4. grein.

- a. Í hverjum hreppi í Ísafjarðarsýslu og Ísafjarðarkaupstað sje skipuð nefnd þriggja manna; kys hreppsnefndin eða bæjarstjórnin einn þeirra úr sínum flokki, og skal hann vera oddviti nefndarinnar, en hinir tveir skulu vera formenn og gengst odd- vitinn fyrir því, að formennn þeir, sem uppsátur hafa í hreppnum, sjálfir kjósi þá úr sínum flokki í byrjun hvernar vertíðar. Vanræki hlutadeigendur að mæta á fundi þeim, er boðaður verður í því skyni af hreppsnefndaroddvita og bæjarstjórn, skal hreppsnefndin og bæjarstjórnin hafa vald til að skipa menn til starfa þeirra, sem enginn má skorast undan án gildra orsaka, sem hreppsnefndir og bæjarstjórn eru einar bærar um að meta. Skal nefnd þessi hafa nákvæmar gætur á því, að því, sem tekið er fram í samþykkt þessari, sje fyllilega hlýtt. Verði einhver uppvis að því, eða nefndinni pyki líklegt, að einhver hafi brotið á móti samþykkt- inni, tilkynnir hún það hlutadeigandi yfirvaldi.